

TEMA YA 1

"Na o tseba Lesotho hantle ngwanaka?" ho botsa mosadimoholo, le tsela eo a botsang ka yona e itlhalosa hore ebang ke sa tsebe motse ona wa Berea nke ke ka utlwisisa taba tsa hae hantle.

"Hao nkgono Paulina, Lesotho ke holetse teng" ke nna eo. "Mona Marabastad ke tlile hona jwale ke se ke le mosadi".

Ka mora mona ka hlokomela hore mosadimoholo o kgodisehile hore ke na le pono e hlakileng ya batho le dibaka tseo a tlang ho mpoella ka tsona.

"Ho ne ho se ho ella horeng tsa mantsiboya, pula ho ne ho na ya medupe".

"Leshano le sekgahla ha di na mokoka ngwanaka empa nnete ke ya moshwelella". Kgetlong lena nkgono Paulina o ne a bua ka lentswe la motho ya hlabehileng. "Ka lebaka la pula ya tsatsi leo ho ile ha potlaka ha fifala. Ke ne ke dutse le malome Theko le mosadi wa hae mollong wa disu ka rontaboleng e nngwe e nyenyane. Mosi wa tlala, ka utlwa mahlo a ka a seka meokgo, yaba he ke tswela kantle."

"Ha ke dumellane le wena Theko, hape ngwana enwa o sa le monyane, o a bona le wena ke hona a kenang borwetsaneng."

"Ha e etse taba, nna ntho eo ke e batlang ke ho tswa molatong, e seng hore ke jelwe dikgomo tsa ka. O hopole hore le yena ngwana enwa o tlile jwang mona. Ntatae o nkolota dikgomo, ho bolelang hore ha a nyalwa ke tla fumana dikgomo tsa ka. Ha ke na taba hore o shobela neng, kae le mang. Nna ke batla kgomo tsa ka."


"Empa wee ntate le wena o a bona hore **kgakgi o kgakga se sa mo kgakgeng le borokong**. Mothofeela le hara batho? Diepollo o tla hola mme a nyalwe ke monna ya ikgethetseng yena. Dikgomo tsa hao o tla di fumana hle Mohlakwana. Ha le fete kgomo le je motho Theko."

"E ne e se kgetlo la pele ke utlwa ba bua tjena." A realo Paulina o bona hore o batla ho hopola ntho e nngwe le e nngwe ya tsatsi leo. "Ka bona hantle hore malome Theko o ikemiseditse hore ke shobele, ke tla re o ne a ikemiseditse hobane e ne eka ke ntho e rerilweng kgale. Ho ne ho tseba yena mohlomong le Mmamokele hore na Mothofeela ke mang, o tla nkuka neng, kae, jwang. O tsebe ho tloha ha ke qala ho dula Lekokoaneng, batho ba motse oo ke ne ke ba tseba empa Mothofeela yena, *mothofeela makgetha* ke ne ke sa mo tsebe. Ke ne ke sa tshwenyehe hakaalo hobane ke ne ke ipolella hore ha ke sa tsebe mme le ntate hobaneng ha e le moo nka kgathalla ho tseba boMothofeela."

"Ho jwalo, nna batswadi ba ka, ke bile ke tsofetse ke tjena ha ke ba tsebe. Kgafetsa malome Theko o ne a atisa ho bua ka hore ke tlile ha hae mona hobane a kolotwa dikgomo. Ho feta moo ha ho letho leo ke le tsebang. Ha ke ne ke fumane monyetla ke re ke botsa malome Mmamokele o ne o bona feela hore ha a batle le ho e hehla.

"Diepollo ngwanaka wena ke batla hore o utlwisisa hore o **Diepollo Moerane**. Ka sejakane o **Paulina**. Theko ke malomao wa madi hantle"

[E qotsitse ho *Diepollo*: Tsepo Seema]

TEMA YA 2

[Mohaladitwe wa Puo: M. M. R. Dube le ba bang]

TEMA YA 3

Mohla Tshepiso a tla dieha a ba a sitwa ho ya kopana le kgarebe ya hae ka baka la taba tsa ausi mma Zet le motswalle wa hae, basadi ba babedi ba ne ba tshohla ditaba tlung e nngwe hona motseng mona, ba ile ba di hlafuna hle, hore di tswa monate jwaloka ntshwe e hlafunnweng ya ba ya tshwelwa. Pula e ne e se e qadile ho na ka ntle ha ba ntse ba qoqa tjena.

"Ke a o jwetsa mosadi, ngwana enwa wa hao ha ho moo a tla fella teng ha a ka dulela ho emela moshemane enwa. Bashemane bana ba rutehileng ha ke ba tshepe le letho. Ba ka tshepisa ho nyala ngwana batho, ha ba tloha moo motho a itsamaele a ilo nyala bana ba tshwanang le yena, ba aparang jase tse mona tse mpe tse ntsho eka ke baruti ba se nang dikhollo." "

"O tjho jwang, ausi?"

"O batla ho mpoella hore ha o bone le hore moshemane o ne a batla ho bapala ka Dikeledi. Hoja ka se ke ka phaphama moshemane elwa a ka be a sa ntsebe le kajeno lena."

"Ha o eso mpoelle hore o ile wa etsang, ausi."

"Ka nnete o sefoku, ngwaneso. Motho ya sa tsebeng hore ke o sietse letswela a ke ke a ba a tjho hore re bana ba mosadi a le mong. Dikeledi o ne a ntse a ahlame jwaleka enwa Ntshebo moradio, a ntse a re moshemane o tla tla mo nyala. Kae? Ka re hela mosadi, moshemane enwa o tla o feta o ntse o ahlame tjena. Mmolelle hore o se o le jwalo, mme a potlakele ho nyala pele taba di hlahella."

"Ka nnete, ausi?" a realo mma Ntshebo ke ho makala.

[E qotsitse ho Kweetsa ya pelo ya motho: N. P. Maake]

TEMA YA 4

A

Pele
102 kg

Hona jwale
75 kg

Monica



27 kg LIGTER

herbex
HLASELA AMAFUTHA[®]
reduces appetite
cleanses the body
weight loss
ATTACK THE FAT
CONTAINS 300 ml SYRUP

"Ke leboha Herbex, ke ikutlwa ke le bobebe mme ke itshepa, ke na le matla. Mmele wa ka o fetohile mme ke motlotlo ka wona. Ke fumana dithoriso hohle moo ke yang!" – Monica

[Sarie, Letswe 2014]

TEMA YA 5

B



[Sunday World, Hlakola 2016]